

唐千金類方

上海千頃堂書局發行  
嚴如經署

備急千金要方卷第十七 大腸腑

後學三水黃恩榮幹南編述

三男 中醫藥學專門畢業 悌君校對  
學生 廣州中醫藥大學學士 陳景山 覆校  
學館專門畢業

大腸腑脉論第一

大腸腑虛實第二

肛門論第三

皮虛實第四

欬嗽第五

痰飲第六

九蟲第七 濕蟲附

大腸腑脉論第一

論大腸腑

論曰大腸腑者主肺也鼻柱中央是其候也肺合氣于大腸大腸者為行道傳瀉之

腑也號監倉掾重二斤十二兩長一丈二尺廣六寸當臍右回疊積還反十二曲貯

水穀一斗二升主十二時定血脉和利精神 千金明堂外臺同難經云長二丈一尺

斗水七升半鼻遂以長以候大腸

唐千金要方卷十七 大腸腑脉論

肺應皮。皮厚者大腸厚。皮薄者大腸薄。皮緩腹裏大者。大腸緩而長。皮急者。大腸急而短。皮滑者。大腸直。皮肉不相離者。大腸結。

論大腸病

大腸脹者。腸鳴而痛。寒則泄。食不化。

大腸有寒。驚漉。有熱。便腸垢。

大腸有宿食。寒慄發熱。有時如瘧狀。

肺前受病。移于大腸。肺欬不已。欬則遺矢。便利。厥氣客于大腸。則夢田野。

扁鵲云。手太陰與陽明為表裏。大腸若病。實則傷熱。熱則脹滿不通。口為生瘡。食下

入腸。腸實而胃虛。食下胃。胃實而腸虛。所以實而不滿。乍實乍虛。乍來乍去。虛則傷

寒。寒則腸中雷鳴。泄青白之利。而發于氣水。根在大腸。方在治水篇中。即第十二卷水腫門治大

腸水方

大腸絕不治。何以知之。泄利無度。利絕則死。

論大腸經脉

手陽明之脉。起于大指次指之端外側。循指上廉。出合谷兩骨之間。上入兩筋之中。

循臂上廉。上入肘外廉。循臑外前廉。上肩。出髃骨之前廉。上出柱骨之會。上下入缺

盆。絡肺下膈。屬大腸。其支者。從缺盆直而上頸。貫頰。入下齒縫中。還出俠口。交人中。

左之右。右之左。上俠鼻孔。是動則病齒痛。頰腫。是主津所生病者。經作主津。液所生病。目黃。口乾。𩚑𩚑喉痺。肩前臑痛。大指次指痛。不用氣。盛有餘。則當脉所過者熱。腫虛則寒。慄不復盛者。則人迎大三倍於寸口。虛者則人迎反小於寸口也。

### 大腸經刺法

右手關前寸口陽絕者。無大腸脉也。苦少氣。心下有水氣。立秋節即效。

巢源大腸象金。王于秋。

刺手太陰。治陰在魚際間。

右手關前寸口陽實者。大腸實也。苦腸中切痛。如針刀所刺。無休息時。刺手陽明。治陽在手腕中瀉之。



大腸虛實第二 脈二條 灸法七首 方二首

大腸實熱

右手寸口氣口以前脈陽實者。手陽明經也。病苦腸滿。善喘。欬。面赤。陽明上身熱。喉咽中如核狀。太陽脈上頸名曰大腸實熱也。

生薑泄腸湯 治大腸實熱。腹脹不通。口為生瘡者。

生薑

橘皮

青竹茹

黃芩

梔子仁

白朮

各三兩

桂心 一兩

茯苓

芒消

各三兩

生地黄

十兩

大棗

十四枚

右十一味。咀。以水七升。煮取三升。去滓。下芒消。分二服。

大腸主津。所生病。其氣有餘。寒氣客之。則熱。熱則實。腹不通。口為生瘡。生薑泄腸湯。桂心生薑大棗散風寒。竹茹梔子黃芩泄腸熱。重用生地滋燥火。橘皮利水穀。經見本白朮茯苓行津液。而腸不通。口為生瘡。以除。

灸法

腸中臞脹不消。灸大腸輸四十九壯。

大腸有熱。腸鳴腹滿。俠臍痛。食不化。喘不能久立。巨虛上廉主之。

大腸虛冷

右手寸口氣口以前。脉陽虛者。手陽明經也。病苦胸中喘。腸鳴虛欬。脣乾目急。善驚。  
上熱泄白。下寒名曰大腸虛冷也。

黃連補肺湯 治大腸虛冷痢下。青白。腸中雷鳴相逐。

黃連 四兩

茯苓

芫薺各三

酸石榴皮 五片

地榆 五兩

伏龍肝

雞子大一枚

右六味。咬咀。以水七升。煮取二升半。去滓。下伏龍肝末。分三服。

大腸主津。所生病。其氣不足。寒氣客之。則冷。冷則虛。痢下青白。腸中雷鳴相逐。黃連補肺湯。芫薺散血。寒黃連地榆解痢毒。石榴皮伏龍肝固腸滑。茯苓行津液。而痢下青白。腸中雷鳴亦除。

幹南按。大腸實熱用瀉。虛冷用補。此恒法也。千金於實熱却用生薑桂心。於虛冷却用黃連地榆。論者疑焉。不知大腸合肺。肺熱蒸冷。裏熱表寒。泄腸之所以用薑桂也。大腸屬金。金衰木乘。下寒上熱。補腸之所以用連榆也。

灸法


腸中雷鳴相逐。痢下。灸承滿五十壯。穴在俠巨闕相去五寸。巨闕在心下一寸。灸之。俠巨闕兩邊。各二寸半。

食飲不下。腹中雷鳴。大便不節。小便赤黃。陽綱主之。

腹脹。腸鳴。氣上衝胸。不能久立。腹中痛。濯濯。冬日重感於寒。則泄。當臍而痛。腸胃間遊氣切痛。食不化。不嗜食。身腫。俠臍急。天樞主之。

腸中常鳴。時上衝心。灸臍中。

腸鳴而痛。溫留主之。



肛門論第三

論曰肛門者主大行道肺大腸候也號為通事令史重十二兩長一尺二寸廣二寸二分應十二時若臟猶言裏傷熱則肛門閉塞大行不通或腫縮入生瘡若腑猶言表傷寒則肛門開大行洞瀉肛門以出良久乃入熱則通之寒則補之虛實和平依經調之方在第二十四卷中

解毒並難治  
脫肛第六

幹南按脫肛第六內載肺熱肛門熱閉塞或腫縮銳通方用白蜜煎令燥為丸長六七寸納肛門中即蜜導煎法取潤利大腸寒肛門寒洞泄或滯出豬肝散用豬肝合黃連阿膠烏梅苦蘗艾葉即上黃連補肺湯法取苦燥一則治塞以通通因塞用一則治寒以熱熱因寒用大腸為肺出路肛門又為肺大腸出路實熱虛寒治法妙用不同而同可參秘旨



皮膚實第四 論一首 方二首

論曰夫五臟六腑者有寒內應骨髓外合皮毛而邪生若病從外而邪生而毛而毛然起毫則皮

毛通絡脉不關而外格強急舒不若病從內而邪發則骨髓疼痛而後肉爛而皮部

論然陰陽表裏外皮內髓其病源大皮之虛實由肺不可不詳之也而實應於臟腑皮虛者多寒皮實

者多熱凡皮虛實之應主於肺大腸之虛實然病發於皮毛而實應於臟腑陰虛生內熱故熱則應臟虛陽

生外寒則應腑

蒴藿蒸湯 治皮虛主大腸病寒氣關格

蒴藿根葉切三菖蒲葉切二桃葉皮枝切三

細糠一斗 秫米三升

右五味以水一石五斗煮取米熟為度大盆器貯之於盆上作小竹牀子罩盆人身坐牀中四面周迴將蓆薦障風身上以衣被蓋覆若氣急時開孔對中泄氣取通身接汗可得兩食久許如此二日蒸還溫藥足汁用之若盆裏不過熱盆下安炭火非但治寒但是皮膚一切勞冷悉皆治之

肺病多作皮寒熱肺與大腸合寒則應腑大腸受之大腸病寒氣關格內關外格皮

膚勞冷蒴藿蒸湯蒴藿菖蒲治風寒濕痺桃葉皮枝行皮膚滯血重以細糠之通腸

胃滑肌膚秫米之治寒熱利大腸秫者肺之穀別錄治寒熱煮汁蒸汗由皮毛透入

唐千金方卷十七 皮膚實第四

腠理大腸病去而寒氣闕格自除

梔子煎 治皮實主肺病熱氣

梔子仁 枳實 大青 杏仁 柴胡

芒硝各二兩 生地黃 淡竹葉切各一升 生玄參五兩 石膏八兩

右十味㕮咀以水九升煮取三升去滓下芒硝分為三服

肺病多作皮寒熱肺與大腸合熱則應臟肺受之肺病熱氣怫鬱皮膚厚實梔子煎  
梔子大青石膏清肺火生地玄參滋肺液柴胡竹葉杏仁疏肺表枳實芒硝通肺裏  
由腸胃達出皮毛肺病除而熱氣怫鬱自解

欬嗽第五

論二首 方六十首

證七條 灸法十四首

論曰。經云五臟六腑皆令欬。肺居外而近上。合於皮毛。皮毛喜受邪。故肺獨易為欬也。邪客於肺。則寒熱上氣喘。汗出。欬動肩背。喉鳴。甚則唾血。肺欬經久不已。傳入大腸。其狀欬則遺糞。腎欬者。其狀引腰背痛。甚則欬涎。腎欬經久不已。傳入膀胱。其狀欬則遺尿。肝欬者。其狀左脅痛。甚者不得轉側。肝欬經久不已。傳入膽。其狀欬則清苦汁出。心欬者。其狀引心痛。喉中介介如梗。甚者喉痺咽腫。心欬經久不已。傳入小腸。其狀欬則失氣。脾欬者。其狀右脇痛。陰陰引肩背。甚者不得動。動則欬劇。經久不已。傳入胃。其狀欬而嘔。嘔甚則長蟲出。久欬不已。三焦受之。三焦欬之狀。欬而腹滿。不能食飲。肺以上言五臟之欬。傳於六腑。自裏而表。由陰而陽。此皆聚於胃。關於肺。使人多涕唾。而面浮腫。氣逆也。若順時有風寒冷。人觸冒解脫。傷皮毛間。肺與大腸皆合皮毛。入臟腑。為欬上氣如此也。有非時。忽然暴寒。傷皮膚中。與肺合。則咳嗽上氣。或胸脇義痛。欬唾有血者。是其熱得非時之寒。暴薄之。不得漸散。伏結深喜肺癰也。因欬。誤而服溫藥。欬尤劇。反壯熱吐膿血。汗出惡寒是也。天有非時。感寒而者。急看四時方也。

問曰。欬病有十。何謂也。師曰。有風欬。有寒欬。有肢欬。有肝欬。有心欬。有脾欬。有肺欬。有腎欬。有膽欬。有厥陰欬。問曰。十欬之證。以何為異。師曰。欲語。因欬言不得音。謂之風欬。飲冷食寒。因之而欬。謂之寒欬。心下堅滿。欬則肢痛。其脉。應數而反遲。陽氣不達於四股。

謂之肢欬。欬則引脇下痛。謂之肝欬。欬而唾血。引手少陰。謂之心欬。欬而涎出。續續不止。引小腹。謂之脾欬。欬引頸項。而垂涎沫。謂之肺欬。欬則耳無所聞。引腰并臍中。謂之腎欬。欬而引頭痛。口苦。謂之膽欬。欬而引舌本。謂之厥陰欬。風欬者。邪在表不下。之寒欬。肢欬。肝欬。刺足太衝。心欬。刺手神門。脾欬。刺足太白。肺欬。刺手太泉。腎欬。刺足太谿。膽欬。刺足陽陵泉。厥陰欬。刺手太陵。

夫久欬為痰。

音稅。腫病。

欬而時發。熱脈在九菽者。

一作卒。弦。難經。脈有輕重。初持脈。如三菽之重。與血脈相得者。心部也。如九菽之重。與肌肉相得者。脾部也。

非虛也。此為胸中寒實。

痰熱鬱於上。

所致也。當吐之。

夫欬家其脈弦。

熱為有。

欲行吐藥。當相人強弱。而有無熱。乃可吐耳。

熱可吐。弱不可吐。無熱不可吐。

吐。

欬家其人脈強。為有水。可與十棗湯下之。方見下。

不能卧出者。陰不受邪故也。留飲欬者。其人欬不得卧。引項上痛。欬者。如小兒掣縱。

狀。夫酒客欬者。必致吐血。此坐久極飲過度所致也。其脈沉者。

為內虛。

不可發汗。久欬。

數歲。其脈弱者。可治。實大數者。死。其脈虛者。必善冒。其人本有支飲。在胸中。故也。治。

屬飲家。上氣汗出而欬。屬飲家。欬而小便利。若失溺。

為內虛。

不可發汗。汗出即厥逆冷。

夫病吐血。喘欬上氣。其脈數有熱。不得卧者。死。寒家欬而上氣。其脈數者。死。謂其人。

形損故也。脈大而散。散者。為氣實而血虛。

氣屬表。血屬裏。

名曰有表無裏。上氣面腫。肩息。

其脉浮大

陽脫

不治加痢

陰竭

尤甚上氣躁而喘者屬肺脹欲作風水表氣發汗愈

幹南按本論明謂肺合皮毛皮毛喜受邪獨易為欬經久不已乃傳大腸然則此條欬嗽與下痰飲均應入肺臟顧乃附於大腸何也予讀素問通評虛實論五臟不平六腑閉塞所生二語以臟病而歸本於腑即以肺病而歸本大腸治欬治肺法易知治欬治大腸法難識夫六腑以通為補大腸氣閉塞致肺臟不平而欬嗽與痰飲生焉千金欬嗽及下痰飲諸方開肺即以開腸潤肺即以潤腸開潤二法即通法治欬嗽以此治痰飲以此即以治肺者治大腸亦以此不但以諸方中間用大黃巴豆為大腸欬大腸痰飲正治法也思邈於肺臟不列欬嗽痰飲而附入大腸其有微意歟

欬逆外閉方十一首

麻黃散

主上氣嗽

麻黃

半斤 杏仁 百枚

甘草 三兩 桂心 一兩

右四味治下篩別研杏仁如脂納藥末和合臨氣上時服一方寸匕食久氣未下更服一方寸匕日三匕氣發便服即止一方去桂心甘草

大腸主

津所生病下流所歸水氣易停上襲於肺皮毛外閉上氣而欬

巢源肺氣有餘則喘欬上

氣此為邪搏於氣氣壅不得宣發是為有餘也麻黃散重用麻黃佐桂心甘草

本經甘草治寒熱邪氣

開表邪杏仁降

肺氣仿傷寒無汗而喘麻黃湯治法為散氣發便服而上氣嗽自除

杏仁煎 治冷嗽上氣鼻中不利

杏仁 五合

五味子

款冬花 各三

紫苑 二兩

甘草 四兩

乾薑 二兩

桂心 二兩

麻黃 一斤

右八味以水一斗煮麻黃取四升治末納諸藥又納膠飴半斤白蜜一斤合納汁中攪令相得煎如飴先食服如半棗日三服不知加之以知為度

大腸主津所生病下流所歸水氣易停上襲於肺皮毛外閉冷嗽上氣鼻中不利杏仁煎重用麻黃杏仁佐桂心甘草開表邪生薑易乾薑祛冷嗽紫苑款冬合五味子止欬逆膠飴白蜜補肺津而冷嗽上氣鼻中不利自除亦汗法

此方 射干麻黃湯 欬逆上氣喉中如水雞聲 射干 紫苑 款冬花 各三 麻黃 生薑 各四

射干

紫苑

款冬花 各三

麻黃

生薑 各四

細辛 三兩

半夏

五味子 各半

大棗 七枚

右九味以水一斗先煮麻黃去上沫納藥煮取三升去滓分

三服日三